



Broj: 05/7-39-1-155-47/19

Sarajevo, 28. 2. 2019.

Z A P I S N I K

47. sjednice Vijeća nacionalnih manjina BiH, održane 21. 3. 2019.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Jakob Finci, Tihomor Knežiček, Davor Ebner, Marija Grbić, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Eva Pašić-Juhas, Nedžad Jusić, Hakan Varan i Halil Bicaj.

Sjednici nisu prisustvovali: Tijana Vučurević, prva zamjenica predsjedavajućeg Vijeća nacionalnih manjina BiH, te Vjeročka Gajić i Mladen Radmilović.

Sjednici su, također, prisustvovali: Franjo Rover, predsjednik Saveza nacionalnih manjina Republike Srpske, Enver Bogučanin iz Sektora za odnose s javnošću Sekretarijata Parlamentarne skupštine BiH, Aida Kreho, sekretarka Zajedničke komisije za ljudska prava, i Branislava Vignjević, stručna savjetnica u Zajedničkoj komisiji za ljudska prava.

Prvi zamjenik predsjedavajućeg Andrija Svatok predložio je sljedeći

D N E V N I R E D

1. Usvajanje Zapisnika 46. sjednice Vijeća nacionalnih manjina BiH;
2. Razmatranje prijedloga zaljučaka povodom materijala Ministarstva civilnih poslova BiH, akt broj: 05/7-50-13-155-45/19 od 1. 2. 2019. i materijala Ministarstva za ljudska prava i izbjeglice BiH, akt broj: 05/7-50-13-218-44/18 od 20. 12. 2018;
3. Dogovor o načinu realizacije aktivnosti iz Plana rada Vijeća nacionalnih manjina BiH za 2019. (obilježavanje Dana Roma, 8. 4. 2019);

4. Određivanje naredne općine/grada za službenu posjetu (promocija rada Vijeća);
5. Tekuća pitanja.

Predsjedavajući Vijeća nacionalnih manjina BiH, Andrija Svatok predložio je dopunu dnevnog reda s dvije nove tačke i otvorio raspravu.

Nije bilo rasprave i članovi Vijeća nacionalnih manjina BiH **jednoglasno su usvojili** sljedeći dopunjeni dnevni red:

1. Usvajanje Zapisnika 46. sjednice Vijeća nacionalnih manjina BiH;
2. Razmatranje prijedloga zaljučaka povodom materijala Ministarstva civilnih poslova BiH, akt broj: 05/7-50-13-155-45/19 od 1. 2. 2019. i materijala Ministarstva za ljudska prava i izbjeglice BiH, akt broj: 05/7-50-13-218-44/18 od 20. 12. 2018;
3. **Mišljenje na Nacrt rezolucije o provođenju Okvirne konvencije o zaštiti nacionalnih manjina;**
4. **Izbor člana i zamjenskog člana za učešće u radu Interresorne radne grupe za pripremu izvještaja BiH o primjeni Povelje za regionalne ili manjinske jezike u BiH;**
5. Dogovor o načinu realizacije aktivnosti iz Plana rada Vijeća nacionalnih manjina BiH za 2019. (obilježavanje Dana Roma, 8. 4. 2019);
6. Određivanje naredne općine/grada za službenu posjetu (promocija rada Vijeća);
7. Tekuća pitanja

Ad. 1. Usvajanje Zapisnika 46. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. Diskutirala je Jovanka Manzalović-Šalaka. Članovi Vijeća **jednoglasno su usvojili** Zapisnik 46. sjednice Vijeća nacionalnih manjina BiH.

Ad. 2. Razmatranje prijedloga zaljučaka povodom materijala Ministarstva civilnih poslova BiH, akt broj: 05/7-50-13-155-45/19 od 1. 2. 2019. i materijala Ministarstva za ljudska prava i izbjeglice BiH, akt broj: 05/7-50-13-218-44/18 od 20. 12. 2018.

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Jakob Finči, Eva Pašić-Juhas, Tihomir Knežiček, Velibor Kuvač, Dragan Marković i Franjo Rover, predsjednik Saveza nacionalnih manjina Republike Srpske.

Nakon rasprave, članovi Vijeća nacionalnih manjina BiH **jednoglasno su donijeli** odluku da se od Ministarstva finansija i trezora BiH i Ministarstva civilnih poslova BiH traži uvođenje

posebne budžetske linije u iznosu od 300.000 KM, koja bi – bar dijelom - zadovoljila potrebe udruženja nacionalnih manjina u BiH.

Također, Vijeće je usvojilo zaključak da se, na osnovu dokumentirane disproporcije predatih i odobrenih projekata po osnovu javnog poziva za sredstva iz oblasti kulture koji je objavilo Ministarstvo civilnih poslova BiH i zbog nemogućnosti ulaganja žalbi, uputi dopis nadležnoj službi za borbu protiv korupcije (Agenciji za prevenciju i koordinaciju borbe protiv korupcije) s ciljem ispitivanja načina odobravanja projekata iz javnih sredstava.

Ad. 3. Mišljenje na Nacrt rezolucije o provođenju Okvirne konvencije o zaštiti nacionalnih manjina

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Jakob Finci, Tihomir Knežiček i Nedžad Jusić. Članovi Vijeća nacionalnih manjina BiH razmatrali su Nacrt rezolucije broj: CM7ResCMN82019)X o provođenju Okvirne konvencije o zaštiti nacionalnih manjina, te donijeli odluku da u cijelosti prihvate predloženi tekst koji se odnosi na Nacrt rezolucije.

Ad. 4. Izbor člana i zamjenskog člana za učešće u radu Interresorne radne grupe za pripremu izvještaja BiH o primjeni Povelje za regionalne ili manjinske jezike u BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda, predloživši za člana Interresorne radne grupe Velibora Kuvača, te Davora Ebnera, za zamjenskog člana.

Članovi Vijeća nacionalnih manjina BiH su, bez rasprave, u Interresornu radnu grupu za pripremu Trećeg izvještaja BiH o primjeni Povelje za regionalne ili manjinske jezike u BiH, koji je Ministarstvo za ljudska prava i izbjeglice BiH dužno podnijeti Vijeću Evrope, **jednoglasno imenovali** Velibora Kuvača, kao člana, i Davora Ebnera, kao zamjenskog člana.

Ad. 5. Dogovor o načinu realizacije aktivnosti iz Plana rada Vijeća nacionalnih manjina BiH za 2019. (obilježavanje Dana Roma, 8. 4. 2019)

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Jovanka Manžalović-Šalaka, Dragan Marković, Velibor Kuvač i Andrija Svatok.

Članovi Vijeća nacionalnih manjina BiH **jednoglasno** su usvojili zaključak da se uputi čestitka pripadnicima romske nacionalne manjine povodom obilježavanja Svjetskog dana Roma, 8.4.2019, kao i da članovi Vijeća koji odluče da prisustvuju nekom od obilježavanja idu kao predstavnici svoje nacionalne manjine i u svoje ime.

Ad. 6. Određivanje naredne općine/grada za službenu posjetu (promocija rada Vijeća)

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali Todorka Jovanović i Jovanka Manžalović-Šalaka.

Članovi Vijeća razmatrali su plan posjeta Vijeća nacionalnih manjina BiH općinama i gradovima u BiH, te su, sa **14 glasova „za“ i jednim glasom „protiv“**, odlučili da naredna destinacija koju će Vijeće posjetiti u junu bude grad Trebinje.

Ad. 7. Tekuća pitanja

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali Tihomir Knežiček i Nedžad Jusić.

Nakon rasprave, odlučeno je da se kontaktira organizator posjete Strazburgu, Ured Vijeća Evrope u Sarajevu, kako bi se razgovaralo o mogućnosti korištenja drugih prijevoznih sredstava za realizaciju putovanja.

Sjednica Vijeća nacionalnih manjina BiH završena je u 18.30 sati.

Sastavni dio Zapisnika je tonski snimak 47. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok